

Jitk stoješe), Stara Dróha abo Tři Korčemy (stojachu tam pječa tři korčemy), Kročicy, Wopuš (pola z kóncom do hole), pola lada, Křižiki (w póhanskich časach bě tam pohrjebnišćo, kaž nopaški pokazuja, a tež zaso w času mora tu zemrětych hrjebachu); Łuhi (łuki při hatach), Běle lado (hola), Ptačina (hola), Kosy (hrjebja). 6) Kamjennej: Na Hlinach, w Brodži, Łučnišća, Kišery, pod Hatom, Khadomnik, za Fórbarkom, za Ławku, w Truhach, na Horje, mjez Horami (w nalěcu 1885 tu při biću hole spody kóždeje khójcy hornyk z kamjenjom přikryty namakachu; hornyki běchu tołste a trochu mało palene, někotre tež rjenje karbikowane), Ručica (hola); haty: Khěžnik, Žónski, Róžkowcaj, Domaš, Nikul, Stary hat. 7) Trupin: Dozdžark, Pozdžar, Zatrui, Zandow, Čorne Wólše, Dračownja, Kuši dub, Hatki, Załuhi, Khójnica, na štucy, Kónc, Kobły, Bělač (hat). 8) Niža Wjes: Zahony, na drózy, Huški (drje Łužki), w rokotowym kefku, Studnički (tu pak žane njejsu), Jězory, Džělošća, Kročicy, Łuki, Močidło, na bělom kamjenju, na dołach (tu pak žane njejsu), na starej wsy (hdžež prjedy Niža Wjes stoješe; před krótkim tu cyłu hromadu starych hornykow ze snadnymi debjenkami wurychu, kiž so přez tołstosć wuznamjenjeju).

XXI. (13.) Hrodzišćanska wosada.

Zafarowane wsy: 1) Hrodzišćo (Gröditz), 2) Kortnica (Cortnitz), 3) Wichowy (Weicha), 4) Wuježk (Wuischke), 5) Rakojdy abo Rakojědy (Rakel), 6) Brězecy (Briesnitz), 7) Skanecy (Cannewitz), 8) Worcyn (Wurschen), 9) Běła Hora (Belgern, lisć. tež Birckowe), 10) Droždžij (Drehsa), 11) Njehorń (Nechern).

Cyrkej: W l. 1848 hišće bě serbski kemš kóždu njedźelu a kóždy swjaty dzeń prjedy němskeho. Nětko pak je 8 króc za lěto, tehdy hdyž je němska spowědz, němska Boža služba do serbskeje. Tuto zarjadowanje wobstoi wot lěta 1860; prjedy měješe so jenož 4 króc za lěto němska spowědz. Serbske Bože blido wudžěla so kóždu njedźelu nimo tych 8 njedźel, hdyž ma so němske. Serbskich kemšerjow zeńdze so w přerězku 500—600, němskich 60—80. — Paćeńska wučba podawa so serbskim džěcom serbska.

Fararjo: 10) Jan Wićaz (Lehmann) 1753—72; 11) Křesćan Benjamin Wićaz, syn prjedawšeho, * 1737 w Ketlicach, 1759 faraf w Kotecach, 1766 we Łazu, 1772 w Hrodz., † 1788; 12) Jan Křesćan Abraham Krygař, 1788—1824, hl. Klukš diak.; 13) Handrij Voigt,